

MNL OL, MKA, Acta eccl. Fasc. 53. nr. 15.; ??

LUKCSICS József: Középkori pápai adókönyvek. (Felolvasások a Szentistván-társulat Tud. és Irodalmi Osztályának üléseiből 69.) Bp., 1908. III. 209. sz.

BUNYITAI Egyháztörténeti emlékek a magyarországi hitújítás korából. I–V.

Szerk.: BUNYITAY Vince – RAPAICS Rajmund – KARÁCSONYI János – KOLLÁNYI Ferenc – LUKCSICS József.

Bp., 1902–1912. V. 32. oldal. 36. oklevél.

36.

Pozsony, 1548. május 15.

Révay Ferencz nádori helytartó előtt a lövöldi perjel, Péter, panaszt tesz, hogy az 1538—44. években Podmaniczky János és Ráfáel nekik roppant károkat okoztak, boraikat, lovaikat elvették, vanyolai jobbágyaik marháit elhajtották.

Ezekért a nádori helytartó Podmaniczky Ráfáelt megidézteti.

Amicis suis reverendis capitulo ecclesie Posoniensis Franciscus de Rewa, comes comitatus de Thurocz necnon vacante officio regni Hungarie palatini locumtenens salutem et amicitiam paratam cum honore. Expositum est nobis in personis venerabilis et religiosi fratris Petri prioris et conventus fratrum ordinis Carthusiensis in claustro beati Michaelis archangeli in Lewewld fundato degentium, quod cum circa festum beatorum undecim millium virginum in anno Domini millesimo quingentesimo tricesimo octavo transacto preteritum iidem exponentes certa quedam vina Simigiensia cum aliquot curribus ex Simigio domum, ad dictum scilicet claustrom ipsorum de Leweld deduci facere habuissent, hominesque eorundem cum ipsis vinis ad territorium possessionis Fok vocate in comitatu Simigiensi existentis pervenissent ibique pacifice transire habuissent, extunc magnificus condam dominus Joannes de Podmanyn, missis et destinatis quampluribus servitoribus, equitibus scilicet et peditibus suis ac magnifici domini Raphaelis Podmanyczky fratris sui manibus armatis et potentiarie ad prescriptos homines et vina dictorum exponentium ibique septuaginta duo vasa vini eorundem exponentium auferri et ad arcem suam et dicti domini Raphaelis fratris sui carnalis Palotha vocatam abduci fecisset, ex quibus ea, que voluisset, saltem restituisset, reliqua vero maiora et meliora pro se et dicto fratre suo reservasset, per quod idem condam dominus Joannes Podmanyczky dictis exponentibus, dempta violentie pena, plus quam quadringentorum florenorum auri dampna intulisset inferrique fecisset potentia mediante. Hiis non contentus prefatus condam Joannes Podmanyczky circa festum beate Margarethe virginis et martiris, dum videlicet Martinus Saffar et Thomas Azthalos familiares et servitores dictorum exponentium quosdam duos equos turcales in oppido Rako florenis centum et quinquaginta emptos domum, ad prescriptum videlicet claustrom de Leweld ducere habuissent et cum eisdem equis ad possessionem Sándor in comitatu Wesprimiensi habitam pervenissent, extunc prefatus condam Joannes Podmanyczky, nescitur unde motus, missis et

destinatis quampluribus hominibus et servitoribus suis et dicti domini Raphaelis fratris sui, in et ad prefatos servitores dictorum exponentium more hostili irruissent prescriptosque equos turcales ab eisdem violenter abstulissent ac eo, quo dictorum condam domini Joannis Podmanyczky ac domini Raphaelis fratris sui placuisset voluntati, fecissent potentia mediante. Ceterum circa festum Penthecostes in anno Domini millesimo quingentesimo quadragesimo tertio transacto preteritum prefatus condam Joannes Podmanyczky, missis et destinatis quampluribus hominibus et servitoribus suis et dicti Raphaelis Podmanyczky fratris sui uterini ad possessionem dictorum exponentium Wanyola vocatam in comitatu Wesprimiensi habitam, illincque quadraginta boves miserorum colonorum dictorum exponentium in eadem possessione Wanyola commorantium rapere, auferrique abigique ac eo, quo eorundem Joannis et Raphaelis Podmanyczky placuisset voluntati, fecissent. Nec hiis contentus prefatus condam Joannes Podmanyczky, circa festum beatorum Petri et Pauli apostolorum in anno Domini millesimo quingentesimo quadragesimo quarto transacto preteritum, modo simili missis et destinatis quampluribus servitoribus suis et dicti domini Raphaelis fratris sui, manibus armatis et potentiarie ad dictam possessionem Wanyola, illincque iterum quinquaginta boves colonorum eiusdem possessionis, iobagionum scilicet dictorum exponentium abigi ac eo, quo sue et dicti domini Raphaelis Podmaniczky fratris sui placuisset voluntati, fecisset potentia mediante. Postremo circa festum Otnnium Sanctorum in anno Domini millesimo quingentesimo quadragesimo quarto transacto preteritum, dum videlicet providi Martinus Zenthes et alii certi quidam iobagiones dictorum exponentium in possessione eorundem Kysleweld in dicto comitatu Wesprimiensi existente commorantes, cum curribus ipsorum ex oppido Papa in libera et publica via, non longe a possessione Borsath vocata in eodem comitatu Wesprimiensi existente transire domumque reverti habuissent, prefatus condam Joannes Podmaniczky, nescitur quo animo ductus, missis et destinatis quampluribus suis et prefati Raphaelis Podmanyczky fratris sui servitoribus, manibus armatis et potentiarie in et ad prefatos Martinum Zenthes et alios iobagiones ipsorum exponentium more hostili irruissent ab eisdemque viginti octo boves iugales abstulissent ac eo, quo eiusdem condam Joannis Podmanyczky et dicti domini Raphaelis fratris sui placuisset voluntati, fecisset. In quibus omnibus premissis prefati condam dominus Joannes et Raphael Podmaniczky frater eiusdem dempta violentie pena, memoratis exponentibus et iobagionibus eorum prenominatis plus quam mille ducentos florenorum auri damna intulissent inferrique fecissent, potentia mediante, in preiudicium et damnum eorundem exponentium valde magnum. Quia autem huiusmodi actus potentiarii per quoscunque patrati iuxta novam constitutionem publicam in curia regia per nos ceterosque iudices regni ordinarios pro quintodecimo die discuti debent et adiudicari, pro eo amicitiam vestram harum serie hortamur et requirimus, quatenus presentes litteras nostras memorato domino Raphaeli Podmanyczky per vestrum testimonium fidedignum exhiberi et presentari faciat,

qui si personaliter reperiri poterit, bene quidem, alioqui de domo habitationis sive solite eiusdem residentie ammoneat eiusdem dicatque et committat eidem verbo nostro, ut ipse decimo quinto die a die huiusmodi ammonitionis numerando personaliter vei per procuratorem suum legitimum comparere debeat et teneatur, rationem de premissis redditurus, certificando nichilominus eundem ibidem, quod sive ipso termino in prescripto coram nobis compareat sive non, nos ad partis comparentis instantiam id faciemus in premissis, quod dictaverit ordo iuris, et post hec huiusmodi exhibitionis, ammonitionis et certificationis seriem, ut fuerit expedien, terminum ad prescriptum nobis suo modo rescribatis. Datum Posonii, feria tertia proxima ante festum sacri Penthecostes, anno Domini millesimo quingentesimo quadragesimo octavo.

A pozsonyi káptalan a fenti parancs végrehajtására Nándori Lukács kanonokot küldi ki, a ki azt ((feria quarta inter octavas Ascensionis Domini)) hajtja végre, melyről a káptalan ugyanezen évben ((secundo die diei executionis premissae)) tesz jelentést.

Eredetije papiron, Országos Levéltár: Eccl. Cameral. fasc. 53. Nr. 15.

Közli: IVÁNYI BÉLA.